

## **PRIJEDLOG**

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), Općinsko vijeće Tešanj na svojoj \_\_\_\_ sjednici održanoj dana \_\_\_\_ .2018. godine donosi

### **ODLUKU** **o stipendiranju redovnih studenata dodiplomskog studija (prvog ciklusa)** **u akademskoj 2018/19. godini**

#### **Član 1.**

U akademskoj 2018/19. godini Općina Tešanj će stipendirati redovne studente dodiplomskog studija (prvog ciklusa) sa područja općine Tešanj na visokoškolskim ustanovama u Bosni i Hercegovini, koji nemaju drugi oblik stipendiranja ili sufinansiranja.

#### **Član 2.**

Odlukom o stipendiranju redovnih studenata dodiplomskog studija (prvog ciklusa) za akademsku 2018/2019. godinu, stiče se osnov za raspisivanje konkursa, tako da se dodijeli mogući broj studentskih stipendija do iznosa obezbijedenih sredstava.

Općina Tešanj neće stipendirati studente 1. godine za zvanja profesor bosanskog jezika, profesor razredne nastave i profesor tjelesnog odgoja, diplomirani pravnik i ekonomista općeg smjera u akademskoj 2018/19. godini.

#### **Član 3.**

Visina rate iznosi 100 KM (stotinu konvertibilnih maraka) po jednom studentu, a isplaćivat će se mjesečno. Visina rate za deficitarna zanimanja tj. kod studenata prvog ciklusa koji studiraju građevinu, arhitekturu, geodeziju, elektrotehniku i mašinstvo će iznositi 130 KM (stotinu trideset konvertibilnih maraka). Broj mjesečnih rata zavisit će od raspoloživih sredstava u Budžetu općine Tešanj predviđenih za ove namjene.

#### **Član 4.**

Postupak izbora kandidata za stipendiranje, vođenje potrebne evidencije, sklapanje ugovora, kao i druge poslove koji proističu iz ove Odluke, vodit će Komisija za dodjelu stipendija koju imenuje Općinski načelnik. Komisija će biti sastavljena od vijećnika i uposlenika nadležne općinske Službe. Rad Komisije za dodjelu stipendija biti će javan, a konkurs će se objaviti putem sredstava javnog informisanja.

#### **Član 5.**

Komisija za dodjelu stipendija primjenjivat će Kriterije za dodjelu stipendija, odobrene od strane Općinskog načelnika, kojim će se precizirati bodovanje kandidata prema sljedećim elementima:

- ostvareni uspjeh
- godina studija
- socijalno-ekonomska situacija
- postignuti rezultati na takmičenjima i posebna priznanja
- prednost jednom studentu, kada postoje dva studenta iz iste porodice
- prednost studentima sa invaliditetom
- bodovi za deficitarna zanimanja
- bodovi za društveni angažman i volonterski rad
- studenti sa istim brojem bodova.

#### **Član 6.**

Komisija prilikom provođenja postupka i odlučivanja ima pravo i obavezu koristiti i druge mehanizme za provjeru bilo kojeg statusa izvan obavezno propisanih dokumenata u javnom pozivu. To znači da se u posebnim i specifičnim slučajevima može tražiti provjera podataka na druge načine (traženje poreske prijave, provjere navoda o zajedničkom domaćinstvu, traženje podataka o poslovanju poslovnih subjekata, podatke o imovini porodice, podatke o registriranim vozilima...) ili dopunu istih.

*Nadležna Općinska služba će u cilju praćenja i realizacije cilja iz Strategije razvoja općine Tešanj 2018-2027, ishoda II cilja „ stipendiranje do pet talentovanih studenata-deficitarna zanimanja- svake godine sa područja drugih općina koji iskazuju interes da rade za kompanije na području općine Tešanj, prikupljati informacije o stipendiranju studenata od drugih stipenditora sa prostora općine.*

U svim slučajevima u kojima se dokaže netačno i lažno iskazivanje činjenica i stanja, općina Tešanj će za pokušaj prevare uskratiti pravo učešća u konkursima za stipendiranje od općine Tešanj u naredne dvije godine.

#### **Član 7.**

Termin objave konkursa i rezultata konkursa bit će prilagođen terminima i rokovima konkursa Ministarstva za boračka pitanja i obrazovanja ZDK, zbog iskorištenja mogućnosti stipendiranja studenata iz drugih izvora.

#### **Član 8.**

Pravo na konkurisanje imaju svi redovni studenti do 25 godina života koji studiraju na trogodišnjem ili četverogodišnjem studiju, a do 27 godina života studenti koji studiraju na jedinstvenom studiju koji traje 5 ili 6 godina, a čija primanja po članu domaćinstva nisu viša od **350,00 KM**.

Studenti iz kategorije PPBiŠ, studenti čiji su roditelji nosioci najvišeg ratnog priznanja (čl. 2. stav 1. tačka 1. Zakona o posebnim pravima dobitnika ratnih priznanja i odlikovanja i članova njihovih porodica “Sl.novine FBiH”, broj: 70/05 i 70/06), studenti iz porodice RVI sa stepenom invalidnosti sa i preko 50%, studenti sa prosjekom ocjena 9 i više, učenici generacije iz srednje škole, stipendiju dobivaju automatizmom bez bodovanja i bez obzira na profil zanimanja.

#### **Član 9.**

Sa svakim studentom koji se stipendira potpisat će se poseban ugovor o međusobnim pravima i obavezama korisnika stipendije i stipenditora.

#### **Član 10.**

Sredstva potrebna za realizaciju ove Odluke će se planirati u budžetskim rashodima za 2019. godinu u iznosu od **350.000 KM (tristo pedeset hiljada konvertibilnih maraka)**.

#### **Član 11.**

Ova Odluka stupa na snagu danom objavljivanja u „Službenom glasniku Općine Tešanj“.

**PREDSJEDAVAJUĆI VIJEĆA**

---

**Senad Subašić, dipl. oec.**

## I PRAVNI OSNOV

Pravni osnov za donošenje ove Odluke sadržan je u članu 14. Statuta općine Tešanj ("Službeni glasnik Općine Tešanj" broj 11/07).

## II RAZLOZI DONOŠENJA ODLUKE

U prethodnim godinama Općina Tešanj je imala prepoznatljivu politiku stipendiranja studenata na dodiplomskom studiju. Samo u akademskoj 2017/18. godini Općina Tešanj je dodijelila 344 stipendije redovnim studentima sa područja općine Tešanj u ukupnoj visini od 359.300,00 KM. U toku realizacije budžeta odobrena su sredstva Kantona u visini od 85.000 KM.

Provedena je politika stipendiranja/analiza programa u prethodnim godinama, kroz odluke, kriterije, načina dokazivanja određenog statusa i dr.

Budući da je 2016.godine započeo proces različitog rangiranja, odnosno povećanja iznosa stipendije za deficitarna zanimanja, što se pokazalo dobrom Odlukom, namjera Općine Tešanj je nastaviti razvijati programe stipendiranja u skladu sa vremenom, potrebama tržišta rada, kao i evidencijama na tržištu radne snage (evidencija Zavoda za zapošljavanje Tešanj). Takođe, budući da se na evidenciji Zavoda za zapošljavanje Tešanj nalazi veći broj visokoobrazovanih određenih profila, Općina Tešanj se opredijelila da određena zanimanja (član 2. stav 2. Odluke) ne stipendira na prvoj godini fakulteta, te na ovaj način pokuša usmjeriti buduće studente na deficitarna zanimanja i time pomoći da se mladi školuju za profesije koje su potrebne tržištu rada.

*Na osnovu Zaključka Općinskog vijeća Tešanj od 02.10.2017. godine, Općina Tešanj neće stipendirati studente 1. godine za zvanja profesor bosanskog jezika, profesor razredne nastave i profesor tjelesnog odgoja, diplomirani pravnik i ekonomista općeg smjera u akademskoj 2018/19. godini.*

Stipendiranje na ovaj način dodatno pravi i razliku u socijalno-ekonomskoj moći i mogućnosti porodica, budući da je dosadašnja praksa pokazala da i dokazi koji se traže u argumentovanju ekonomsko-socijalne situacije porodice ponekad nisu dovoljni.

*Nadležna Općinska služba će u cilju praćenja i realizacije cilja iz Strategije razvoja općine Tešanj 2018-2027, ishoda II cilja „ stipendirano do pet talentovanih studenata-deficitarna zanimanja- svake godine sa područja drugih općina koji iskažu interes da rade za kompanije na području općine Tešanj, prikupljati informacije o stipendiranju studenata od drugih stipenditora sa prostora općine.*

Politika stipendiranja u prethodne četiri godine kroz brojeve i iznose izgleda ovako:


Akademski godina	Broj ugovora/studenata	Iznos u KM
2012/13.	348	348000 KM
2013/14.	315	315000 KM
2014/15.	426	340000 KM
2015/16.	409	347650 KM
2016/17	372	344790 KM
2017/18	344 (od toga 51 deficitarni)	359.300 KM
UKUPNO	2214	2.054.740 KM

Za stipendiranje redovnih studenata na dodiplomskom studiju u akademskoj 2018/19. godini predlaže se izdvajanje iz Budžeta Općine u 2019. godini u iznosu od 350.000 KM. Ukoliko se desi da bude moguće obezbijediti dodatna sredstva iz drugih izvora, ista će biti namjenski utrošena prema ovoj Odluci. Promjene u visokom obrazovanju i primjena Bolonjskog sistema uticali su i na dio predloženih izmjena u sistemu i načinu stipendiranja studenata. Prvi ciklus završava sticanjem VSS stručnosti, a broj godina studija je različit (čak za ista zvanja), zavisno od univerziteta i fakulteta. Dakle, mjerilo za stipendiranje će biti sticanje VSS stručnosti.


**PRILOG:** Pregled evidencije nezaposlenih sa VSS spremom na ZZ Biro Tešanj i pregled stipendista općine Tešanj po vrsti fakulteta u akademskoj 2017/18. godini.

**OBRADIVAČ**

Služba za društvene  
djelatnosti i investicije


  
Azra Muslija/dipl.pravnik

**PREDLAGAČ**

  
Općinski načelnik  
Mr. sci. Suad Huskić

Broj: 03-02-1-2239/18

Datum: 12.10.2018. godine



OPĆINA TEŠANJ, ulica Skendera Kulenovića – 74260 Tešanj

**BIRO TEŠANJ**, ulica Skendera Kulenovića – 74260 Tešanj

OPĆINA TEŠANJ  
OPĆINSKI NAČELNIK

TEL/FAX: (032) 656-700

(032) 656-701

TELEGRAM: BIRO TEŠANJ

SLUŽBA ZA ZAPOSŁJAVANJE

ZE-DO KANTONA -ZENICA

ADRESA: UL. A. GOLDBERGERA BR. 6 ZENICA

TEL: (032) 488-200

FAX: (032)405-173

Broj:10-49-2962-1/17

Tešanj:15.10.2018.godine

PREDMET: Dostava podataka - Veza dopis od 15.10.2018. godine

Shodno Vašem zahtjevu od 15.10.2018. godine u kom tražite podatke za visokoobrazovane osobe sa , a radi potreba izrade kriterija za dodjelu stipendija. Iste vam dostavljamo u prilogu.

S poštovanjem.

Dostavljeno:

1. Naslovu
2. A/A

  
Šef Biroa

Muharem Berberović dipl. pravnik

## Stručna sprema: Visoko stručno obrazovanje

1	Agroekonomista	1
2	Biolog	2
3	Defektolog	1
4	Dizajner interijera	1
5	Doktor medicine	2
6	Doktor stomatologije	3
7	Ekonomista	23
8	Ekonomista bankarstva	1
9	Ekonomista menadžmenta	4
10	Ekonomista za finansije	5
11	Ekonomista za marketing	5
12	Ekonomista za međunarodnu razmjenu	1
13	Fitosanitarni inspektor	1
14	Fizioterapeut	1
15	Građevinski inženjer	2
16	Hemičar	1
17	Informatičar	3
18	Inženjer drumskog saobraćaj	7
19	Inženjer elektrotehnike	3
20	Inženjer hemijske tehnologije	4
21	Inženjer metalurgije	1
22	Inženjer poštanskog saobraćaj	1
23	Inženjer prehrambene tehnologije	4
24	Inženjer šumarstva	1
25	Inženjer za logistiku	1
26	Inženjer za sigurnost na radu	1
27	Inženjer za zaštitu okoline	2
28	Književni komparatist	1
29	Kriminalist	3
30	Mašinski inženjer	2
31	Matematičar	1
32	Medicinska sestra	1
33	Medicinski laboratorijski tehničar	4
34	Menadžer kvaliteta	1
35	Nastavnik tehničke kulture	1
36	Novinar	3
37	Operator na opremi medicinske radiografije	1
38	Operator na opremi medicinske radiologije	1
39	Pedagog	7
40	Politolog	1
41	Pravnik	28
42	Profesor biologije	2
43	Profesor bosanskog jezika	16
44	Profesor engleskog jezika	11
45	Profesor fizičke i zdravstvene kulture	4
46	Profesor geografije	4
47	Profesor hemije	1
48	Profesor historije	4
49	Profesor matematike	1
50	Profesor njemačkog jezika	4
51	Profesor pedagogije	1
52	Profesor razredne nastave	14
53	Profesor religijske kulture	1

**R/b Zanimanje****Ukupno**

54	Profesor turskog jezika	1
55	Profesor vjeronauke	2
56	Socijalni radnik	6
57	Sociolog	2
58	Učitelj predškolske djece	1
59	Veterinar	1

**UKUPNO:****213**

# Najbrojnija zanimanja na evidenciji biroa rada

R/b Zanimanje

Ukupno

Stručna sprema: **Magistri**

1	Agroekonomista	1
2	Biolog	1
3	Doktor farmacije	4
4	Ekolog	1
5	Fizioterapeut	1
6	Hemičar	2
7	Inženjer drumskog saobraćaj	1
8	Inženjer prehrambene tehnologije	1
9	Komunikolog	4
10	Kriminalist	1
11	Mašinski inženjer	1
12	Pravni zastupnik	1
13	Pravnik	1
14	Profesor engleskog jezika	2
15	Profesor fizičke i zdravstvene kulture	1
16	Profesor matematike	1
17	Savjetnik za odbranu	1
18	Veterinar	1
<b>UKUPNO:</b>		<b>26</b>



Stipendisti u akademskoj 2017/18. godini			
Fakultet	Broj	Grad studiranja	Broj
TEHNOLOŠKI	35	TUZLA	146
EKONOMSKI	34	SARAJEVO	87
FILOZOFSKI	34	DOBOJ	64
VISOKA POSLOVNO TEHNIČKA ŠKOLA	27	ZENICA	32
MAŠINSKI	23	TRAVNIK	6
FARMACEUTSKI	20	MOSTAR	4
MEDICINSKI	18	LAKTAŠI	2
SAOBRAČAJNI	17	BANJA LUKA	2
FAKULTET POLITIČKIH NAUKA	12	VITEZ	1
FAKULTET INFORMACIJSKIH TEHNOLOGIJA	12		<b>344</b>
PRIRODNO-MATEMATIČKI	9		
PRAVNI	9		
RUDARSKO-GEOLOŠKO-GRAĐEVINSKI	8		
ISLAMSKI PEDAGOŠKI	7		
FAKULTET ZA INŽINJERING	6		
EDUKACIJSKO-REHABILITACIJSKI	6		
STOMATOLOŠKI	6		
FAKULTET ZDRAVSTVENIH STUDIJA	6		
POLITEHNIČKI FAKULTET	6		
ELEKTROTEHNIČKI	5		
POLJOPRIVREDNO-PREHRAMBENI	4		
GRAĐEVINSKI	4		
FAKULTET PRIRODNIH I TEHNIČKIH NAUKA	4		
VISOKA MEDICINSKA ŠKOLA ZDRAVSTVA	4		
FAKULTET ZA MENADŽMENT	3		
FAKULTET ZA KRIMINALISTIKU FKKSS	3		
IPI AKADEMIJA	3		
ARHITEKTONSKI	2		
VETERINARSKI	2		
PEDAGOŠKI	2		
PORESKA AKADEMIJA	2		
AKADEMIJA UMJETNOSTI	2		
FAKULTET ZA TJELESNI ODGOJ I SPORT	1		
FAKULTET ZA METALURGIJU I MATERIJALE	1		
FAKULTET ZA MEDIJE	1		
FARMACEUTSKI - ZDRAVSTVENI	1		
TEHNIČKI	1		
FAKULTET ZA UPRAVU	1		
ITEP	1		
VŠ INFORMATIKE	1		
VŠ LOGOS	1		
	<b>344</b>		